

漳縣志卷六

官師志

官制

明

知縣一員典史一員驛丞一員府稅課司大使一員教諭一員訓導二員

清

知縣一員典史一員儒學教諭一員訓導一員經歷一員道光九年歸轄隴西縣知縣降爲縣丞典史教諭均裁

民國

縣知事一員管獄員一員警察所警佐一員教育局教育局長一員縣視學一員

公俸

清

縣丞一員歲支俸銀四十兩養廉銀二百兩公費一百兩門子一名歲支銀四兩三錢五分六釐早隸六名歲支銀二十六兩一錢四分三釐馬快八名歲支銀九十七兩五錢七分三釐民壯二十名歲支銀一百二十兩庫子四名歲支銀十七兩四錢

二分四釐斗級四名歲支銀十七兩四錢二分四釐馬夫一名歲支銀四兩三錢五分六釐鋪司八名歲支銀二十三兩二錢三分四釐

訓導一員歲支俸銀四十兩公費銀六十兩齋夫三名歲支銀二十六兩一錢三分八釐門斗二名歲支銀一兩四錢五分五釐廩膳生二十名歲支銀四十六兩四錢六分膳夫二名歲支銀九兩六錢八分一釐

民國

縣知事俸給每月定額二百四十元照七成開支洋一百六十八元自九年一月起每月裁汰洋一十元自十年十一月一日起酌減一成外實支洋一百四十二元二角全年共支洋一千七百零六元四角科員俸給每月定額一百元照七成開支洋七十元自十年十一月一日起酌減一成外實支洋六十三元全年共支洋七百五十六元行政公署公費每月定額二百一十元照五成開支洋一百零五元自十年十一月一日起酌減一成外實支洋九十四元五角全年共支洋一千一百三十四

元

管獄員俸給二百八十八元檢驗吏工食九十六元禁卒工食三十六元監犯鹽菜
十二元六角三分監犯口糧八十九元四角九分

警佐每月二十元由警款內支

教育局長每月三十元縣視學每月八元由學款內支

卓異

三國 魏

梁習杞人爲漳長有治績以賢能稱

明

劉鉞四川人知漳縣多著惠政通志稱其大有造於閩右云

胡智湖南瀏陽人天順間知漳縣歷任九年政理人和賦平訟簡值天旱修渠引水灌溉其

實惠及於民也

羅興四川射洪人嘉靖舉人知漳縣勤恤民瘼盡心撫字而又興學育才士風丕振及解任民泣留遮道

清

白光輝遼東人康熙間知漳縣爲政廉平開鑿井鎮西川渠灌田一千餘畝民樂其利咸思慕之號其渠曰白公渠

黃源字雙直直隸宣化人康熙時知漳縣甲戌歲大旱跣足禱雨甘霖沛降民藉以蘇勒石以頌其德

王元良字貞善廣縣人知漳縣會大飢發倉粟賑衆後聞於上因被議去民憐而愛之勒石以誌

王鑑遼陽人雍正二年知漳縣勤政愛民羣以青天大老爺十歌勒石頌之

色綸字嘉猷涪洲鎮白旗人乾隆二十四年知漳縣清廉勤惠修葺城池重建公署時上議汰縣制綸壽稟呈覆道憲薩某轉呈列憲遂仍舊民鑄鐵碑紀之

金光斗字冲南江西奉新人第進士乾隆間知漳縣爲政廉平尤關心農事歲大旱步禱城南五十里霞布洞獲雨民勤銘以誌

蘇履吉字九齋福建德化人拔貢生嘉慶二十五年知漳縣惠愛人民獎勵文士被超拔而顯達者不乏其人焉

縣丞有王應師咸豐五年任時城圯可踰牛馬遂捐廉修築民樹碣西城門樓以誌錢寶仁字曼卿浙江紹興人同治時任善弭盜民夜不扃戶者數年

孟鍾瀛四川中江人同治三年任適值兵燹勞心撫字人咸以孟母稱之勒石誌德翌年知隴西城陷死之

吳翊聯字鏡暉安徽涇縣人因公赴郡遇賊於郭家埠持刀大罵砍賊賊衆仆之地罵益厲

江 縣 志
賊怒擢髮絕肘斷喉死事聞贈都察院經歷銜

謝英桂山西人因葺城餘款發商生息作武陽書院之基金士咸德之

訓導有楊璋雲南太和人明嘉靖間授縣學訓導勤學善教無暇日尤周寒士及去諸生圖其像於觀風樓

山長有劉文炳字汝彪隴西縣舉人光緒十八年主講武陽書院門弟子約數十人均心服之

魏垂象秦安縣人進士光緒二十年主講武陽書院性剛直喜輕薄人然善文章有學經指授而進者比比然也

高秉衡字魚山秦安縣舉人光緒二十六年主講武陽書院性忠厚學遵顧炎武等漳人之知漢學讀正史皆先生教之也

李盛生字德言臨潭縣舉人光緒二十八年主講武陽書院有學行善教授上堂講書時逾

三時而人不厭其多其趣可知也主講年餘門弟頗獲其益
中華民國

縣長有許世堯榆中軍人十九年長漳性殘忍善虐躬親下鄉摧款手不離皮鞭者半載去
之日衙役暨碑西城門

董驛丞臨洮人二十二年爲漳長年少無行好貨色擅加畝款被斥戀愛民妻被控去之日
衆手指背

韓世英曰守土治民官之職也禮樂教化官之事也否則忍夫貨客烏可以父母稱乎漳
彈丸小邑循良代鮮在昔間有一二雞羣鶴立者亦不過傭中佼佼耳今並此而無之故
志其劣之最者師未續入山長

漳縣志卷七

人物志

鄉賢

唐

汪達字德遠越王三子身長七尺六寸呼如虎號驍勇多謀貞觀八年配左衛勳府騎都尉十四年從征賀魯龜茲高昌有功襲爵上柱國留鎮羣昌始居鹽川

元

汪世顯字仲明以戰功官至鎮遠軍節度使羣昌便宜總帥金平郡縣望風款附世顯獨城守及皇子璽端駐兵城下始率衆降皇子曰吾征四方所至皆下汝獨固守何也對曰臣不敢背主失節耳又回曰金亡已久汝不降果誰爲耶對曰大軍迭至莫知適從惟殿下仁武不殺竊意必能保全闔城軍民是以降也皇子大悅承制錫世顯章服官從其舊卽命南征

斷嘉陵禱大安田楊諸蠻結陣迎敵世顯以輕馳撓之宋曹將軍潛兵相爲犄角世顯單騎突之殺數十人黎明大軍四合殺其主將入武信遂進逼資普軍葭萌宋將依山爲柵世顯以數騎往奪之乘勝定資州略嘉定峨眉進次開州時方泥濘由間道攀緣以達宋軍屯萬州南岸世顯卽水北造船以疑之夜從上游鼓革舟襲破之宋師大擾追奔至夔峽過巫山與宋援軍遇斬首三千餘級明年師還攻重慶會大暑乃罷歸觀太宗賜金符易其名曰中山且歷數其功世顯拜謝曰此皆聖明福德所致臣何預焉辛丑蜀帥陳隆之貽書請戰聲言有衆百萬皇子集諸將議之咸謂隆之可生擒也世顯曰顧臨敵何如無庸誇辭爲軍薄成都隆之戰屢却堅壁不出其部曲田顯約夜降隆之覺之世顯曰事急矣亟梯城入救顯得與從者七十餘人出獲隆之斬之世顯復簡精銳五百人擣漢州州兵三千出戰城閉盡沒三日大軍薄其城又三日克之癸卯春皇子第功承制拜便宜總帥秦鞏等二十餘州事皆聽裁決賜虎符錦衣玉帶世顯先已遘疾至是加劇皇子遣醫絡繹往療竟不起年四十四

九中統三年論功追封隴西公諡義武延祐七年加封隴右王子七人忠臣鞏昌便宜副總帥次德臣次直臣鞏昌中路都總領歿於王事次良臣次翰臣與魯兵馬都元帥佐臣鞏昌左翼都總領歿於王事清臣四川行樞密院副使

汪德臣字舜輔年十四侍太子游獵失無慮發襲爵鞏昌等二十四路便宜都總帥從征蜀將前軍出忠浩所向克獲進攻運山率麾下先登所乘馬中飛石死步戰拔外城宋將余玠攻漢中德臣馳赴之玠聞遁去憲宗素聞其名及入覲所陳悉嘉納賜印符命城沔州沔據嘉陵要路德臣繕治室廬部署官屬數日而集進攻嘉定敵潛軍夜出德臣迎戰殺數百人還至左錦雲頂宋軍仍夜出與力戰盡殺之及馬漕溝遇伏兵與戰獲其統制羅廷鵠又詔德臣城益昌諸戍皆聽節制世祖以皇弟有事西南德臣入見乞免益昌賦稅及徭役漕糧屯田爲長久計並從之卽命署行部於鞏立漕司於沔通販糴給餽餉奏乞以兄忠臣攝府事使已得事事益昌益昌爲蜀喉襟蜀人憚其威名諸郡環視莫敢出關甲寅春旱嘉陵漕

舟水澀議者欲棄去德臣曰國家以蜀事托我有死而已奈何棄之盡歿所乘馬饗士襄嘉州得糧二千餘石雲頂呂遠將兵五千邀戰卽陣擒之復得糧五千餘石旣而魚關金牛水陸運偕至屯田麥亦登食用遂給夏獲宋提轄崔忠鄭丹立縱令持檄諭苦竹守將南清以城降所俘城中民悉歸之東南戍卒數百有去志德臣揣知之給券縱去皆泣謝未幾山寨相繼輸款宋將余晦遣都統甘閭以兵數萬城紫金山德臣卽選精卒銜枚夜進大破之閭僅以身免南清北覲其下殺清妻子以叛蜀將焦遠領兵餉之德臣擊敗遠盡獲所餉資糧冬蜀兵二萬復至又敗之獲糧百餘艘魚關至沔水迂回爲渡百有八至是悉爲橋梁戊午歲帝親征次漢中德臣朝行在所初諸路軍成都猝爲宋人所圍德臣遣將赴之約曰先破者敵妻領此城圍遂解事定如約以城與之帝幸益昌駐北山謂德臣曰來者言汝立利州之功今見汝身其小而胆其大不知敵曾薄汝城否德臣對曰賴陛下洪福未嘗一來帝曰彼憚卿威名耳錫金帶且俾立石紀功嘉陵白水交會勢洶急帝問船幾何可濟德臣曰大

軍百萬非可淹延別爲方略卽命繫舟爲梁一夕而成如履坦途帝顧謂諸王曰汪德臣言不虛發賜白金三十斤仍命刻石紀功苦竹旣逆命至是攻之巖壁峭絕或請建天橋帝以問德臣曰臣知先登陷陣而已建橋非所知也旣而橋梁果無功乃率將士魚貫而進帝望見歎曰人言其胆勇豈虛譽耶宋將趙仲武納款而楊禮猶拒戰奮擊盡殺之德臣微疾帝勞之曰汝疾皆爲我家飲以葡萄酒解玉帶賜之曰飲我酒服我帶疾其有瘳乎德臣泣謝宋龍州守將王德新遣所親願効順以郡民爲祈奏如其請進攻長甯拔之斬守將王佐帝東下德臣爲先鋒抵大獲山奪水門宋將楊大淵遣子乞活數萬人命引至帝前爲請旦日大淵率衆降已而連山青居大梁皆降攻釣魚山守臣王堅負險五月不下德臣單騎至城下大呼曰王堅我來活汝一城軍民宜早降語未旣幾爲飛石所中遂感疾帝遣使問勞俾還益昌奏曰陛下尊爲天子猶冒寒暑服勞於外臣待罪行伍死其分也又遣丞相兀真賜湯劑卒不起年三十有八中統三年追封隴西公諡忠烈子六人長惟正次惟賢大司徒惟

和昭文館大學士惟明以質子爲元帥惟能征西都元帥惟純權便宜都總帥

汪良臣年十六七卽從兄德臣出征每戰輒當前鋒以功權裨帥兼便宜都府參議癸丑歲以德臣薦爲羣昌帥領所部兵屯田白水蜀邊寨不敢復出鈔略憲宗親征軍至六盤良臣還羣昌供億所需事集而民不擾詔權便宜總帥府事良臣奏願與兄德臣効力定四川帝曰行軍餽餉所係不輕汝任其責自可立功良臣旣奉命治橋梁平道路營舟車永陸無壅儲積充輒有旨賜黃金弓矢旌其能世祖卽位阿藍召兒渾都海逆命刼六盤府庫西垂騷動詔良臣討之兵至山丹置營按兵不戰者凡二月俄大舉至耀碑谷兩軍相當良臣慷慨誓諸將曰今日之事係國安危勝則富貴可保敗則身戮家亡苟能用命縱死行間不失忠義之名衆聞踴躍而前會大風揚沙晝晦良臣手刃數十人賊勢沮衆軍乘勝搗之賊大潰獲阿藍召兒渾都海殺之西鄙輯甯捷聞賜金虎符權便宜都總帥中統二年火里叛復討平之入覲賜燕屢稱其功良臣拜謝曰臣奉諸王成算何功之有世祖嘉其能讓復賜金鞍

甲冑弓矢轉同發。羣昌路便宜都總帥宋將眭萬壽帥戰船二百泝江而上。欲掩青居。良臣伏甲數十艘。其後身先逆戰。萬壽敗走。伏發。幾獲之。三年。授閬蓬廣安順慶等路征南都元帥。良臣以釣魚山險絕不可攻。奏請近地築城。曰武勝。以扼其往來。四年春。良臣攻重慶。命元帥康士禿先驅。與宋將朱禰孫兵交。良臣塞其路。歸引兵橫擊之。斷敵兵爲二。敵敗走。趨城不得入。盡殺之。至元六年。授東川副統軍。八年。兄子維正請於朝。謂良臣久勞。戎行乞身。代之。九年。復授良臣昭大勇將軍。羣昌等二十四處便宜都總帥。兼本路諸軍奧魯總管。明年。召入。帝曰。成都被兵久。須卿安集之。授鎮國上將軍。樞密副使。西川行樞密院事。蜀人安之。十一年。進攻嘉定。眭萬壽堅守不出。良臣度有伏。兵大搜山谷。果得而殺之。進壘薄城。萬壽悉軍出戰。大破之。伏尸蔽江。萬壽乞降。良臣奏免其死。居民安堵。良臣統兵順流而下。紫金澗。敘相繼款附。還圍重慶。十三年。宋涪州安撫楊立帥兵救重慶者。再。良臣皆敗走之。宋安撫張珪遣將乘虛襲據瀘州。良臣還軍平之。復攻重慶。十五年春。張珪遣衆襲戰。良臣奮

擊大破之身中四矢明日督戰益急王所部趙安開門納降王潛遜良臣禁俘掠發粟賑飢民大悅四川悉平捷聞世祖喜其召良臣入覲授資善大夫中書左丞行四川中書省事賜白貂裘良臣陳治蜀十五事世祖嘉納良臣至成都以蜀瘡痍之餘極意撫循行省罷改授安西王相不赴十八年夏疾卒年五十一贈儀同三司諡忠惠加贈推誠保德宣力功臣儀同三司陝西等處行中書省平章政事柱國追封梁國公子七人惟勤雲南諸路行省平章政事惟簡保寧萬戶惟敬同知屯田總管府事惟永征西都元帥惟恭階州同知惟仁人匠總管達魯花赤惟新漢軍千戶

汪惟正字公理幼穎悟藏書二萬卷喜從文士議論今古治亂尤喜談兵時出游獵則勒從騎爲攻守狀父卒於軍皇姪壽王俾襲父爵守青居山世祖卽位遂真授焉初憲宗遣渾都海以騎兵二萬守六盤又遣乞台不花守青居至是渾都海叛乞台不花發兵爲應惟正卽命力士縛乞台不花殺之世祖嘉其功詔東川軍悉聽處分中統二年入朝賜甲冑寶鞍三